



重刊攝生衆妙方序

醫之為道仁術也所以愈人之疾苦  
而躋之壽域者也予素稟怯弱每資  
藥力以調攝嘗閱先賢立論處方精  
研詳究見其書皆祖漢張仲景以其  
學出入乎本草素問難經脈經是四  
書者百世不易之定論也故其學富



而其術為詳於中古又得孫思邈氏  
張元素氏劉守真氏李杲氏朱震亨  
氏斯五人皆儒也而朱子又集諸家  
之大成後之學者由朱子為入門以  
求諸子之堂奧醫其庶幾矣夫何求  
奇立異者不究心於四書持以膚見  
妄為著述其視仁術為何如耶近

攝生衆妙方一書論有根據方有證  
驗是精於醫者也芝園張氏已論之  
詳矣予因將素所服食及本府合以  
施濟者併附列於各門之後命良醫  
正馬崇儒校正奉祀正李用中重梓  
以普於四方欲廣活人之道使天下  
之人同登於壽域云爾是為序



衡王樂善子書



攝生衆妙方序

夫內經靈樞言攝生之旨甚詳然編簡斷蝕博聞莫正其訛衍譯精微膚士徒剽其緒流播益遐謬本初矣春秋以來乃有越人陽慶淳于意之徒潛授禁方隱垣知物施諸治療咸稱神明而術數竒咳罔所傳布其後乃有華佗益用剝腹洗腸之技而遭匪其人殞身園棘獄吏却書引火就燎迄無遺焉又其後乃有東垣丹溪未覩堂奧頗沿流委匪曰能神亦稱良師矣今諸醫家所循習則多其銓綜之方也然變化無窮裁成互異因時治療則豈無引而伸之者乎余



少嬰多疾，飲藥餌如膏梁，或已病，或見已人之病，輒以其方錄而藏之，久乃遂成簡藁矣。夫物我一體，戚休同之，倘可以解患苦而養元和，將疾走告語，孳孳况敢以自私秘乎？爰分表門類次第，其事書而付之梓人。

皇明嘉靖二十有九年歲次庚戌夏六月望四明芝園主人張時徹著

攝生衆妙方目錄

卷之一

通治諸病門 危病門

卷之二

補養門

卷之三

諸風門

卷之四

傷寒感冒門 暑門 濕門

熱門 諸血門 瘡門



疫瘴門

卷之五

癰亂門

痢疾門

脾胃門

肚腹門

卷之六

積滯門

痞滿門

鼓脹水腫門

痰嗽門

癩癩門

哮喘門

卷之七

淋濁門

遺精門

大小便不

痔漏門

黃疸門

脇痛

腰痛門

心氣門

肺門

疝氣門

脚氣門

頸痛門

鬚髮門

卷之八

諸瘡門

卷之九

眼目門

耳門

鼻門

口瘡門

齒牙門

咽喉門

體氣門

折損門

諸虫毒門

卷之十



婦人門

小兒門

卷之十一

子嗣門

柳生衆妙方卷之一

四明芝園主人集

通治諸病門

益都堯岡山人校

用 瘡家同

神仙太乙紫金丹

一名紫金錠一名萬病丹一名玉樞丹

解諸毒瘡

諸瘡利關竅通治百病此藥真能起死回生嘗

製十數萬錠濟人可效不可盡述凡居家出入

興大工動大兵及四圍廣雲貴仕宦行兵尤不可

無之

山茨菰

南北處處有之俗名金燈籠葉似菲花似燈籠色白土有黑點結子三稜二月

開花三月結子四月初苗枯即空地得之遲則苗腐爛難尋矣與有毒老鴉蒜極相類但蒜無

毛茨菰上有毛包衣宜川文蛤破洗刮倍淨焙



乾二麝香棟盡血毛皮殼千金子一名續隨子

兩白者用紙包裹換紙研數十次去盡油

戟杭州紫大戟為上紅芽大

洗極淨焙乾一二兩半北方綿大戟色白者太

峻利反能傷人弱人服

有吐血者慎之慎之

右製法宜端午七夕重陽或天月德黃道上吉

日脩合量藥多寡預期數日前主人及醫生俱

齋戒沐浴易瀚濯及新潔衣巾履襪於僻靜淨

室焚香將前五味各為極細末設盥洗盆出入

必淨手薰香各用新潔器盛紙蓋至期夙興主

人率醫生焚香叩頭品拜禱

天地畢用數盆各逐分配合分兩攪和數百次極勻

仍重羅兩徧依方用糯米濃飲調和於木臼內

杵數千下極光潤為度每錠一錢每服一錠病

勢重者連服通利一兩行無妨用溫粥補住要

在齋心至誠極其潔淨如法脩製毋令喪服體

氣不具足人婦人雖大見之

治一切飲食藥毒蟲蠱毒瘴氣惡菌河池喫死牛

馬駝羸等諸毒並用凉水磨服南方蠱毒瘴癘

傷人纔覺意思不快即磨服一錠或吐或利隨

手便愈 癰疽發背對口天蛇頭無名疔腫楊



梅等一切惡瘡諸風隱癩赤腫未破時及痔瘡  
並用無灰淡酒磨服及用凉水調塗瘡上日夜  
各數次覺痒立消已潰出膿血者亦減分數  
陰陽二毒傷寒心悶狂言亂語胸膈壅滯邪毒  
未發及瘟疫及喉閉纏喉風冷水薄荷一小葉  
研下 心氣痛并吐諸氣用淡酒或淡姜湯磨服  
赤白痢疾泄瀉吐腹急痛霍亂絞腸沙等症  
及諸痰症並用薄荷湯磨服 男子婦人急中  
顛邪喝叫亂走鬼交鬼胎鬼氣狂亂失心羊兒  
豬顛等風中風中氣口眼歪斜牙關緊急語言

寒澁筋脉攣縮骨節風腫手脚腰腿週身疼痛  
行步艱辛諸風諸癩並用煖無灰酒下 自縊  
溺水死心頭暖者驚死鬼迷死未隔宿者冷水  
磨灌下 毒蛇風犬一應惡虫傷冷水磨塗傷  
處另用淡酒磨服 久近癰疾臨發時東流水  
煎桃柳枝湯磨下 小兒急慢驚風五疳五痢  
脾病黃腫癰癤瘡瘤牙關緊急並用蜜水薄荷  
小葉同磨下及搽量兒大小一圓作二三服  
牙痛酒磨塗及含藥少許良久吞下 湯火傷  
流水磨塗傷處 打撲傷損炒松節無灰酒下



年深日近頭疼太陽疼用酒入薄荷研爛磨紙  
花貼太陽穴上 諸蠱腫脹大麥芽煎湯下  
婦人女子經水不通紅花煎湯下 有孕婦人  
不可服 一家患傳屍勞兄弟五人已死者三  
方士令服此藥遂各進一錠一下惡物如濃狀  
一下死蟲如蛾形俱獲生其人遂以此藥廣濟  
屍證無不驗者 一女子久患勞瘵為屍蟲所  
噬磨一錠服之一時吐下小蟲十餘條後服蘇  
合香丸半月遂如常藥品雖不言補羸瘦人服  
之並效誠濟世衛身之寶也每料實銀不過二

錢可救數十人內用山茨菰千金子皆有子可  
種仁人君子合以濟人陰功不小 一牛馬六  
畜中毒亦以此藥救之 一方加雄黃明透如  
石榴子者三錢歷試治諸瘡極効

金絲萬應膏 治一切瘋氣寒濕手足拘攣骨節酸  
疼男子痞積女人血痕及腰疼脇疼諸般疼痛  
結核轉筋頑癬頑瘡積年不愈腫毒初發楊梅  
腫塊未破者俱貼患處肚腹疼痛瀉痢瘧疾俱  
貼臍上痢白而寒者尤效咳嗽哮喘受寒惡心  
腦膈脹悶婦人男子面色痿黃脾胃等症及心



疼俱貼前心負重傷力渾身拘痛者貼後心與  
腰眼諸疝小腸氣等症貼臍下治無不效

木香 川芎 牛膝 生地黃 細辛 白芷

秦艽 當歸尾 枳殼 獨活 防風 大楓

子 羌活 黃芩 南星 草麻子 半夏

蒼朮 貝母 赤芍藥 杏仁 白斂 兩頭

尖 艾葉 連翹 川烏 甘草節 肉桂

良姜 續斷 威靈仙 荆芥 藁本 丁香

金銀花 丁皮 藿香 紅花 青風藤 烏

藥 蘇木 玄參 白鮮皮 姜蚕 草烏

桃仁 五加皮 山梔 牙皂 苦參 川山

甲 茅香 五倍子 降真節 骨碎補 蒼

耳頭 蟬蛻 蜂房 鱉甲 全蝎 麻黃

白芨 以上各一兩 大黃 二兩 蜈蚣 二十條 蛇蛻 三條 桃柳榆

槐桑練楮 七色樹枝各三

右切為粗片用真麻油一十二觔浸藥在內夏

浸三宿春五宿秋七宿冬十宿方煎以藥枯油

黑為度用麻布一片濾去滓貯磁器內另以片

子松香不拘多少先下淨鍋鎔化後方加藥油

量香二觔用油四兩試水軟硬仍濾入水缸中



令人抽扯色如黃金即成膏矣每製一料計膏七十觔約用銀八九錢量攤中大膏藥一萬有餘可濟人五千之數所費者少所濟者衆富者固不俟言少有力之家亦可製此貧者又可以資身誠妙方也此膏嘗施數萬人無一不効蓋不止於百試百驗耳

### 比天膏

片腦 牛黃 乳香 沒藥 龍骨 血竭 赤石脂 麝香 輕粉 麻黃 川芎 白芷 薄荷 草烏 全蝎各一兩 連翹 防風

黃連 大黃 知母 貝母 當歸 蒼朮 羌活 梔子仁 桔梗 柴胡 荆芥 五倍子 海漂硝 白芨 川山甲 木鱉子 大楓子 椿枝 桑枝 槐枝 亂髮以上各蛇 蛻三條 柳枝長一尺七條

右片腦麝香牛黃乳香沒藥龍骨血竭赤石脂輕粉另研細末其諸藥俱切碎用油浸一宿外用蜜陀僧二斤研細每藥一料用麻油三斤以浸過為度文武火煎藥枯髮焦無踪影退火待冷去滓復入火以蜜陀僧四五錢時時入內用



柳枝不住手攪令冷水一碗滴藥成珠不散方  
 下乳香五味攪勻退火待溫方下片腦麝香牛  
 黃三味攪勻入磁罐內收過一七方可用如貼  
 身疼痛及半身不遂風濕等疾取生姜搗汁炒  
 熱擦患處二三十徧火烘膏藥貼上如覺癢則  
 揭起少頃再烘貼上此藥治疾無不効者如貼  
 噎隔氣壅加狗腎三錢若無牛黃狗腎加天鵝  
 油三錢代之

牛黃清心丸

羚羊角末一兩 白茯苓去皮一兩 防風去苗一兩 阿

膠炒一兩 牛黃研一兩 犀角末二兩 龍腦研一兩 白

芍藥一兩 甘草剉炒五兩 麥門冬去心一兩 黃芩一兩

大棗一百箇蒸熟去皮核研成膏 神麩研二兩 白斂七錢 肉桂

去皮一兩 人參去蘆二兩 芎藭一兩 乾姜炮七錢

白木一兩 麝香研一兩 雄黃研飛八錢 金箔箔內四百

箔為衣 柴胡去苗一兩 乾山藥七兩 桔梗一兩 杏

仁去皮尖雙仁別研 大豆黃卷一兩 蒲黃

二兩 當歸去苗一兩

右除棗杏仁金箔犀角末及牛黃麝香雄黃龍

腦四味別為末入餘藥和勻煉蜜棗膏為丸每



兩作十九以金箔為衣

專治男婦諸風緩縱不隨言語寒澁痰涎壅盛  
卒然暈倒口眼相引手足攣搐脊背僵直口吐  
涎沫或心怔忡健忘顛狂癩病言語錯亂神不  
在舍或歌或哭或癡或呆忽如見神鬼或驚悸  
恐怖心神恍惚夢寐不安或積熱吐血骨蒸癆  
病每用二丸或用半丸切開去蠟皮薄荷湯或  
滾白湯化下及小兒五癇天吊急慢驚風潮熱  
發搐頭目仰視或發痘疹鬱結不出驚過昏迷  
每一丸分作四次亦依前薄荷湯下或滾白湯

化下

蘇合香丸

犀角

二兩

剉碎冰片

一兩

麝香

二兩

檀香

二兩

木香

安息香

二兩

沉香

二兩

酥合油

一兩

硃砂

白木

二兩

單撥

二兩

柯肉

二兩

乳香

一兩

丁香

二兩

香附米

右將各味剉成粗片碾為細末入冰片麝香安

息香酥合油同藥攪勻煉蜜為丸每丸秤過一

錢用蠟包裹

遇仙丹 治邪熱上攻痰涎壅滯番胃吐食十隔五



噎齁哈酒積蟲疾血積氣塊諸般痞疾瘡熱腫  
疼或大小便不利婦人女子面色痿黃鬼產瘰  
癧食吞銅鐵銀物悉皆治之五更時用冷茶送  
下三錢天明可看去後之物此藥有疾去疾有  
蟲去蟲不傷元氣亦不損傷臟腑功效不能盡  
述小兒減半孕婦勿服寶之寶之

白牽牛頭末

四兩半

白檳榔

一兩

茵陳

五錢

醋三稜

五錢

牙皂

五錢

炙

右為細末醋糊為丸如菉豆大依前數服行後  
隨以溫粥啖之忌食他物

花如聖散

治男子婦女小兒一切諸般病証

蒼朮

六兩米泔水  
浸一宿去皮

川烏

四兩  
火煨

草烏

四兩  
生用

川芎

三兩

錢細辛

二兩五錢

防風

二兩五錢  
去蘆生用

白芷

二兩五錢

白朮

二兩

錢蠲積

五錢

雄黃

五錢  
淨研

右十味為細末每服二錢或一錢半量其人大

小輕重加減用之好酒送下汗出為度忌熱物

半日得汗時切忌不可見風金刀傷用小便

洗貼上藥割傷破傷風牙關緊好酒調服一

錢着被蓋蒙頭約重車行五里地汗出即愈如

無汗出涎水亦好若涎水汗俱無再服一服



傷寒用藥一錢熱酒服汗出立效 蝎螫用唾

津調貼 蛇蟲傷用飛蟻和藥貼患處酒服一

錢 婦人產後淋血不止紅花煎酒服一錢

多年惡瘡刺去痂水洗淨貼淨藥 腦風口噤

藥吹入鼻或用生姜調貼兩太陽穴 諸般瘡

或茶或薄荷湯服一錢出汗 火燒瘡用凉水

調貼 咳嗽用白桑皮湯服一錢同酒送下

多年瘡用小便洗貼 惡瘡疔瘡魚眼紅絲疔

瘡調藥用鷺翅掃上患處 偏正頭風用口噙

藥水吹入鼻內 遍身疥癬癩癧杖瘡用口噙

將水貼藥繼服二錢溫酒不拘時候 舌根瘡

外臙瘡及一切無名腫毒新汲凉水調貼患處

諸風倒地不省人事好酒調服一錢被蓋出

汗立效 騾馬等畜揭鞍風并諸藥不效抽身

抱膝者藥五錢酒半碗灌下將氈蓋出汗立效

此藥加蘄州白花蛇一條重七八錢或三錢

### 金棗丹

廣木香一兩 哈芙蓉五錢 肉豆蔻一兩每箇用

子樣灰火炮麪熟為度折出 棗肉一斤先於溫

皮麪取出前裏搗為末用 搗爛為丸每丸以人大小用之 瘡癩冷氣



攻心燒酒送下 赤白痢疾水瀉米湯送下  
咳嗽噙化 風蟲牙塞在患齒牙縫中即効  
夢遺精水酒送下

灸四花穴法 治諸般癆瘵等証

先令患者平身立正取一細繩用蠟蠟之勿令  
展縮以繩於男左女右脚大姆指端比齊循脚  
底下跰足引繩至脚跟直上循脚肚至曲胛中  
大橫紋截斷又令患者解髮分開兩邊要見頭  
縫自顙門平分至腦後乃平身正坐將先比繩  
子一頭於鼻端上按定引繩向上循頭縫至

後貼肉垂下循當脊骨正中繩頭盡處以墨點  
記之 婦人纏足不遂生成之理若以足不必  
及也當於右肩顙穴點之以繩頭按其穴上伸  
手引繩向下至中指指尖截斷為法定鈞起繩子  
向至鼻根斜不至口角斷為法令患者合口將  
繩子按於口上兩頭至吻却鈞起繩之中心至  
鼻柱根下如人樣使齊兩吻截斷摺取中心墨  
記之 將於先脊墨點處以繩子上中心墨正  
壓脊骨墨點上兩頭取平勿令高下於繩子兩  
頭以墨點記之此是三穴也



次二穴 令患者平身正坐稍縮臂膊取一蠟繩繞項至大傾骨上按住向前雙垂與鳩尾尖齊鳩尾是心蔽骨無人心蔽骨者從腦前岐骨下量取一寸即是鳩尾也即雙截斷就轉繩頭向項後將繩當喉嚨結骨上按住以其繩夾項雙垂循脊骨上正中繩頭盡之以墨點記之却令患者合口以短繩口上橫量如一字樣齊而兩吻截斷如前摺中於脊骨上墨點處橫量如前繩子兩頭盡處以墨點記之是四花橫二穴也 以上是第二次墨點穴通前共四穴

灸各七壯至二七壯至一百壯或百五十壯為妙候火瘡齊發時方依後法灸二穴

又次二穴 以第二次量口唵短繩子於第二次穴雙繩頭盡處脊骨上墨點處以短繩中墨點壓脊骨上墨上下直放務要正中相停於上下繩頭盡處以墨圈記之 以上第三次點穴謂之四花灸二次各一百壯三次於六穴取火日灸之惟用三月三日艾最佳百日内慎飲食房室安心靜處將息若一月後仍覺未瘥復於初灸穴上再灸方愈



危病門

漢神醫華陀字元化嘗云人有危病急如風雨  
命醫不及須臾不救觀其橫天實可哀憐予因  
暇日選危病諸妙方以救橫天詳錄于後

中風不語痰厥

其証卒然暈倒不省人事不能語言

惺鬆飲 治中風急以真正蘇合香丸調姜汁

灌醒後用

白木 天麻 當歸 川芎 薄荷 桂枝

南星 陳皮

右咬咀各等分用水一鍾半煎至七分臨服加  
竹瀝一酒盞調勻同服之 又方 一時緊急

藥未便速用香油一盞灌入喉中仍用鷺毛探  
吐痰涎立出神効 又方 名竹瀝飲用淡竹

或苦竹或青水竹去枝葉截作一尺餘長劈作

二片每用不拘多少或五六十片以新汲井水  
浸一宿如用急只浸一二時却以磚二片側立

閣竹於磚上磚內以熱火烘竹青熱磚外以碗  
盛竹流下清水以瓦瓶收貯外以冷水浸瓶收

用或沉井底亦好每用半鍾與病者服之或入



煎藥內服亦可 又方 用肥皂角一箇猪油  
搽七次火上焙七次先搽後焙畢碾為末好酒  
一盞灌下去痰為愈 又方 急取鹽汁溫熱  
徐徐灌之痰墜即甦

霍亂吐瀉

其証始因飲冷或冒寒或失饑或大怒或乘舟  
車傷動胃氣令人上吐不止因而下瀉吐瀉併  
作遂成霍亂頭旋眼暈手脚轉筋四肢逆冷用  
藥遲緩須臾不救

吳茱萸 木瓜 食鹽各五錢

右三味同炒焦用磁罐盛水三升煮令百沸却  
入前藥同煎至一二升以下傾一盞隨病人意  
冷熱服之藥入即甦 又方 用枯白礬末每  
服一錢用百沸湯點服 又方 用鹽一撮醋  
一盞同煎八分溫服或鹽梅醎酸皆可煮服

纏喉風喉閉

其証先兩日胸膈氣緊出氣短促驀然咽喉腫  
痛手足厥冷氣閉不通頃刻不治

巴豆 七粒三生四熟生者去殼生 雄黃 卑子大  
研熟者去殼炒去油存性

鬱金 一箇蟬肚者研為末



右三味研每服半字茶調細呷如口噤咽塞用  
小竹管納藥吹喉中須臾吐利即醒 又方  
用川升麻四兩剉碎水四碗煎一碗灌服 又  
方 用皂角三錠搥碎按水一盞灌服或吐或  
不吐即安

吐血下血

其証皆因內損或因酒色勞損或心肺脈破血  
氣妄行血如涌泉口鼻俱出須臾不救

側柏葉

蒸人參

焙乾各一兩

右二味為末每服二錢入飛羅麩二錢

和如稀糊服 又方 用荆芥一握燒過蓋在  
地上出火毒碾如粉陳米飲調下三錢不過二  
服 又方 用釜底墨研如粉服三錢米飲下  
連進三服

中砒霜毒

其証煩躁如狂心腹攪痛頭旋欲吐不吐面口  
青黑四肢逆冷命在須臾用黑鉛四兩磨水一  
碗灌之 又方 用青藍兩握研井水調一碗  
灌之 又方 用清油二升許灌服其毒即解  
又方 掘地用水作漿濃喫一二碗土用黃



色者佳

尸厥

其証奄然死去四肢逆冷不省人事腹中氣出如雷鳴

焰硝五錢硫黃二兩

右研如粉作三服每服用好舊酒一大盞煎覺焰硝起傾於盞內蓋着服如人行五里又一服不過三服即醒兼灸百會穴四十九壯臍下氣海丹田三百壯身溫止 又方 用附子七錢重炮熟去皮臍為末分作二服用酒三盞煎一

盞服 又方 用生姜自然汁半盞酒一盞同煎令百沸併灌二服仍照前灸

中惡鬼氣

其証暮夜或登廁或出郊野或遊冷室或行人所不至之地忽然眼見鬼物鼻口吸着惡鬼氣驀然倒地四肢逆冷兩手握拳鼻口出清血性命遂巡須臾不救此証與尸厥同但腹不鳴心腹俱煖凡中惡驀然倒地切勿移動其屍即令親戚衆人圍繞打鼓燒火或燒麝香安息香蘇合香樟木之類直候醒記人事方可移歸



脫陽

其証多因大吐大瀉之後四肢冷元氣不接不省人事或傷寒新瘥誤與婦人交小腹緊痛外腎緊縮面黑氣喘冷汗自出須臾不救先以蔥白數莖炒令熱熨臍下次用

附子一枚重一兩到八片 白朮 乾姜各半兩 木香二錢半

右四味各研末用水二碗煎八分碗放冷灌服須臾又進一服合滓併服 又方 用桂皮

二兩好酒二升煎一升分作二服灌之 又方 用蔥白連鬚三七根細剉沙盆內研細用酒

五升煮至二升分作二服灌之陽氣即回先用炒鹽熨臍下氣海勿令氣冷 又方 用生姜二七片依前法服

鬼魘鬼打

其証初到客舍館驛及無人居冷房睡中覺鬼物魘打但其人吃吃作聲便令人叫喚如不醒此乃鬼魘也不救即死

牛黃一錢 雄黃一錢 硃砂半錢

右研為末和勻每挑一錢床下燒次挑一錢調酒灌之 又方 用桃柳枝東邊者各折七寸



煎湯灌下 又方 用竈心土搥碎末服二錢  
并水調灌更挑半指甲許吹入鼻中更用艾灸  
人中穴并灸兩脚大姆指內離甲一莖葉各灸  
七壯

### 大神效活絡丹

治風濕諸痺肩臂腰膝筋骨疼痛口眼喎斜半  
身不遂行步艱辛筋脉拘攣能清心明目寬膈  
宣通氣血年逾四十預服十數丸至老不生風  
病

白花蛇二兩酒浸焙乾 烏梢蛇半兩酒浸焙乾 麻黃二兩去節

細辛一兩去土 全蝎一兩半去毒 兩頭尖二兩酒浸 赤芍藥一兩

貫芎二兩 防風二兩半 葛根一兩半 沒藥一兩另研

血竭七錢半另研 硃砂一兩另研 烏犀屑半兩 地龍半兩去土

甘草二兩去皮炙 丁香一兩去枝 白姜蚕一兩炒 乳香一兩研

麝香半兩研 片腦一錢半另研 官桂二兩去粗皮 草薺菘二兩

川羌活二兩 虎脛骨一兩酥炙 玄參一兩 牛黃二錢半另研

天麻二兩 威靈仙一兩半酒浸 藿香二兩去土 天竺黃一兩

敗龜板一兩炙 人參一兩 安息香一兩 青皮一兩

白豆蔻一兩 骨碎補一兩 黃連二兩 茯苓一兩

黃芩二兩 白朮一兩 熟地黄二兩 松香脂半兩



大黃 二兩 當歸 一兩 木香 二兩 沉香 二兩

金箔 為衣

右為細末煉密丸如彈子大每服一九細嚼温酒茶清漱下隨証上下食前後服頭風播茶下腦麝祛風丸

治左癱右瘓最妙

白花蛇 頭一箇帶頸三寸酒浸炙 烏梢蛇 連尾三箇長七寸酒浸炙

川烏尖 七箇去黑皮 附子底 四箇去黑皮 南星 炮 半夏 製

白附子 防風 細辛 天麻 全蝎 去毒炒

僵蚕 炒去絲 草烏 炮各半兩 片腦 一分研

右為細末生姜汁糊為丸如梧桐子大每服五十九煎小續命湯下

舒筋保安散

治左癱右瘓筋脉拘攣身體不遂脚腿少力乾濕脚氣及濕滯經絡走注疼痛久不能去用此

宣通愈

木瓜 五兩 草薢 五靈脂 牛膝 酒浸 續斷

白僵蚕 炒 松節 白芍藥 烏藥 去木 天麻

威靈仙 黃耆 當歸 防風 虎骨 酒浸各一兩

右用無灰酒一斗浸上藥三七日緊封扎壘口



待日數足取藥焙乾搗為細末每服二錢用藥酒半盞調下如酒盡用米湯調下

又方金毛狗脊一兩却將乳香白膠香各一兩同研入乾藥末內

### 安魂琥珀丹

治中風左癱右瘓口眼喎斜心神不寧

天麻 川芎 防風 細辛 白芷 羌活

川烏炮去皮 荆芥穗 僵蚕各一兩

薄荷葉三兩 全蝎 粉甘草 藿香

硃砂細研水飛各半兩 麝香 珍珠 琥珀各一錢

右為細末煉密為丸如彈子大金箔為衣空心茶清或酒送下一丸若蛇傷狗咬破傷風牙關緊急先用一丸擦牙後用茶清調下一丸如小兒初覺出痘疹即用茶清調一丸與服大能安魂定魄及疎風順氣

### 大辰砂丸

清頭目化痰涎及感冒風寒聲重頭目昏眩項背拘急皮膚癢痒並皆治之

天麻去苗一兩 防風去蘆二兩 細辛去苗葉土半兩 薄荷葉半兩

川芎一兩 甘草炙一兩 吳白芷一兩 硃砂為衣一兩



右七味為細末煉密丸如彈子大硃砂為衣每  
服一丸細嚼食後生姜湯下茶清亦可

攝生衆妙方卷之一終



